

欽定大清會典圖

欽定大清會典圖卷二百四十四


輿地一百六


廣西省全圖

桂林府圖

柳州府圖

廣西省全圖





廣西省在


京師西南。桂林府為省治。廣西巡撫布政司共治馬。統府十一。廳二。州二。桂林府東南平樂府梧州府。西南柳州府潯州府鬱林州慶遠府思恩府南甯府上思廳太平府泗城府百色廳鎮安府歸順州。八達河即南盤江。自雲南廣西州緣界北流。經泗城府西北。西與雲南曲靖府分界。折東北與貴州興義府貴陽府分界。又經府北。屈東南入境。經慶遠府南為紅水江。又東會柳江。江上承溶江。自貴州黎平府東南流入境。經


柳州府西北。潯江上承貝子溪。自湖南賓慶府西南流來會。又南龍江上承勞村江。自貴州都勻府東南流來會。屈東南經柳州府治南。為柳江。合雒青江。西南流與紅水江會。紅水江又東南經潯州府治北。而東會鬱江。江上承西洋江。自雲南廣南府東南流入境。經泗城府西南百色廳南鎮安府東北。思恩府西。至南甯府西南。麗江自越南入境。東北流來會。為鬱江。經府治南。又東北與紅水江會。是為潯江。潯江又東。劍江東北流注之。又東會灘水。灘水湘水同出桂

林府東北。流入湖南永州府界。濌水西南流。經省治東。折東南。經平樂府治西。又經梧州府治西。而南。與潯江會。潯江經府治西。又東入廣東肇慶府界。臨水出平樂府南。流亦入肇慶府界。廉江出鬱林州西南。流入廣東廉州府界。東及北至湖南界。西至雲南界。南及東南至廣東界。西北至貴州界。



桂林府圖





桂林府為廣西省治。至

京師四千六百四十九里。領廳一。州二。縣七。治臨桂。東南陽朔。西永甯州。西南永福。東北靈川。興安。灌陽。全州。西北義甯。龍勝。廳。湘水。灘水。同源。出靈川縣東南海陽山。北流經興安縣南。右合石梯山水。左合太平堡水。又東北。經治東分水塘。歧而西南流者為灘水。東北流者為湘水。湘水自縣治東東北流。右納莫川水。又東北經全州西南。四溪源大朝源水合北流為長亭江。注之。又東北經治南。灌江。舊名觀水。出灌

陽縣西南。合牛江。鹽川。澗江。龍川水。黑巖水。北流注之。寨墟水。萬鄉水。合東南流。為羅水。注之。又東北。經三角司。東左。納宜湘河水。又東北。入湖南永州府東安縣界。灘水。亦曰桂江。自興安縣分水塘。經縣北。西流。折南。大融江。一曰六箇江。即古瀉水。二源。合南流。注之。西南流。經靈川縣東北。右。納小融江。又西南。右。納甘棠江。又西南。經府治。東。右。納陽江。左。納馬溪。又東南。相思江。自卧石山。分水。東流。合浪石江。折北。流。注之。又東南。經大墟。汎南。金帶江。勞江水。合流。為乖

水西北流注之。又南經陽朔縣東。右納犀潭水。東流左納白鶴山水。又東南入平樂府平樂縣界。義江出義甯縣北丁嶺山。合一水南流。經治西。右納智慧江。至縣治南左納石豪江。又南經大嶺。汎西東南流。經蘇橋司西。相思注自卧石山分水西流注之。曰白石江。折西南左納獨秀山水。又經永福縣東而南。與東江會。江一名黃源水。出龍勝廳西南境。南流經永甯州北。又東南。白馬江出州南北流。合花洞江注之。又東南。會白石江。白石江又西南左納毛江。曰永福江。


又西南左納一水。又西南受雒容水。水上源曰富河。江出永甯州西南古河山。東南流經喇崗司。東至高坡伏流。又東南至蒲台寨西復出。又南錯入柳州府雒容縣界。曰雒容水。復東南流經永福縣西南。注永福江。永福江又經鹿寨司北折而西入柳州府雒容縣界。為洛清江。石流江上源曰四牌溪。自平樂府修仁縣東北流入界。經永福縣東南折而西亦入雒容縣界。潯江上源曰貝子溪。自湖南寶慶府城步縣南流入界。經龍勝廳東北貝子汛東南西南流經龍向。


汎北。又西南經廳北左納牛脰溪水。折西北經廣南司北左納南平江水。又西北太平溪自城步縣西南來經廳東北至石村汎南注之。又西入柳州府懷遠縣界為潯江。西延水出全州西境合數水東南流。折東北經西延司西。又東北經太梅汎東。又東北入湖南寶慶府新甯縣界。浪溪江出永甯州西北境。東北流折西北入柳州府融縣界。海陽山在興安縣南覆釜山在全州西。府東及東北界湖南永州府。西及西南界柳州府。北界湖南寶慶府。南及東南界平樂府。西



北界湖南靖州。

柳州府圖一






柳州府圖二

北

[illegible]



柳州府在省治西南三百六十里。至

京師五千九里。領州一。縣七。治馬平。西南來賓。東南象州。東北雒容。懷遠。西北柳城。融縣。羅城。榕江。上源曰黔江。自貴州黎平府永從縣東南流入界。經懷遠縣西北曰福祿江。又東南古江亦自永從縣東南來。經石牌汛南合雍里河折東北注之。又東北經梅寨司東北沈口汛北至南江卡。南江自永從縣南流來注之。又東南左納孟團江。又東南受潯江。江自桂林府龍勝廳西流入界。經縣東北斗江塘。左納斗江。右納石眼



江水。又經古宜司南西南流來會。折南流經縣北歧為二環。縣治而南復合。經融江東北左納昌河水曰融江。又南經長安鎮司東。浪溪江自桂林府永甯州來合一水西南流折西北注之。又南背江出羅城縣西北境二源合東南流。經三防司北左納二小水注之。又西南經縣治東。又南左納清流江。又西南經羅城縣東武陽江舊名歸順水出縣北合數小水東南流注之。又東南曰柳江。經柳城縣北左納沙鋪水洛浚河。又西經縣治西。龍江自慶遠府宜山縣東流合一

水來會。又曲東南經府治西右納三都水。又東經治南折東北流經橫賴山麓後西南。三江出縣西境經三都司汛伏流至雞公山北復東北出右合一水注之。又屈曲東流經白沙汛北。永福江自桂林府永福縣西南來曰洛清江合其縣之石流江經雒容縣南曲西南注之。又東左納一水折南受運江。江上承仁義江出州東南境經大樟墟北流合都落江至白丈墟為白丈江。又北羅脈河合香草江西流來會。又北合樂才河為仁義江。又西北下里江上承羅脈河水

右納東來一水東北流折西來會為運江。又西北流注柳江。柳江又南經州治西。又南古城江自潯州府武宣縣來西流注之。又西南右納穿山水。又南會紅水江。江自思恩府遷江縣東北流入界。經來賓縣西南。左合其縣之北三江。折東南經縣治南。右納白馬溪水。復折東北右納觀音山水。又北左納定清水。又北折而東南與象江會。是為潭江。潭江又南折東入潯州府武宣縣界。西江出羅城縣西北。東南流左合犀牛潭。南流入慶遠府宜山縣界。府東界平樂府。西

及南界思恩府北及西北界貴州黎平府南及  
東南界潯州府東北界桂林府湖南靖州

欽定大清會典圖卷二百四十五

輿地一百七


慶遠府圖


思恩府圖

泗城府圖

平樂府圖

慶遠府圖








慶遠府在省治西南五百八十里。至


京師五千二百二十九里。領州二縣三。治宜山。北  
天河。西東蘭州。西北思恩河池州。紅水江自泗  
城府波雲縣東南流入界。經那地土州西北。又  
經東蘭州北。左右各納一水。又納州東南右納  
一水。又東南篆江自百色廳東南流來注之。又  
東南錯入思恩府都陽安定二土司界。復經忻  
城土縣西南。東南流。龍塘江出永定土司東西  
二水合南流注之。又東南左納古萬墟水。又東  
南入思恩府遷江縣界。洪龍江出南丹土州北

為中平溪合一水東南流經河池州西曰洪龍江。右納坡旺水。又東南經永順土司西北曰刁江。又東南經永順土司北。又南流入思恩府安定土司界。龍江上源曰勞村江。自貴州都勻府荔波縣東南流入界。經南丹土州東北。右納一小水曰金城江。又東南經河池州東北。右納秀水。又東南經府治西北。會東江。江上源曰環江。自荔波縣南來。經思恩縣北。合東北來一水。又南帶溪亦自荔波縣來。東南流注之。又東南經縣西。又西南經府治西北。曰東江。與勞村江會。

曰龍江東南流經印索汎南。又東南右納馬鬃河。左納中洲小河。又南經府治北。又東右納洛蒙江。又東東小江自柳州府羅城縣來。經天河縣東北。合數小水南流注之。又東經永順副司南。永順水上源曰西江。亦自羅城縣南來注之。又東經三岔汎北。又東入柳州府柳城縣界北。三江出忻城土縣東南。東北流折而南入遷江縣界。府東及東北界柳州府。西界泗城府。北界貴州黎平府。南及東南界思恩府。西南界百色廳。西北界貴州都勻府。貴陽府。

思恩府圖





思恩府在省治西南九百四十里。至

京師五千五百八十九里。領廳一。州一。縣三。東上林。南武緣。西北那馬廳。東北遷江。東南賓州。紅水江自慶遠府東蘭州緣界南流。經興隆土司西北。其西為百色廳。恩隆縣界。曲東南流。經都陽土司南舊城土司東北。折東北流。經興隆土司西北。合東南來二水。又東北經安定土司東南。左納九鄧墟水。又經白山土司西北。右納姑娘江。又東北經安定土司東。刁江自慶遠府永順土司東南流注之。又東流。經思吉汛東北緣。


慶遠府忻城土縣南界。又東南經平陽土司北。左納儉排水。又東南經遷江縣北。會清水江。江上源曰北江。出上林縣西北。東南流經縣北而東。右納南江水曰鼓江。又東匯水自縣東北二源合南流注之。又東流經鄒墟汎南。右納獅螺江。又東南經賓州東北。武陵江一曰李依江。出州南合龍龔江。丁橋江北流注之。又折而北。經遷江縣南。左納賀水曰清水江。又北與紅水江會。紅水江又東入柳州府來賓縣界。右江自百色廳恩隆縣緣界東南流。其南為南甯府果化




土州界。經丹良汛西南入南甯府歸德土州界。塘河出舊城土司東南境。南流經武緣縣西北。折而南入隆安縣界。注右江。南流江出賓州西南境。西北流經思隴司南。又西北經武緣縣東北。右納二小水。折西南。馱淺江出縣東南。二源合西北流注之。又經縣治南會府江。江二源。一曰東溪。一曰西溪。並出府治北。夾城而南合南流。右納一小水。又南。左納大欖江。右納仙湖江。又南與南流江會。南流江又屈西南。那楞江出武緣縣東南。西北流注之。又西。右納三湖水。又

西南入隆安縣界。東班江出賓州東南境。南流入南甯府永淳縣界。北三江自忻城土縣入界。東南流入柳州府來賓縣界。府東及東北界柳州府。西及西北界百色廳。北及西北界慶遠府。南及西南界南甯府。東南界潯州府。西南界百色廳。

泗城府圖





泗城府在省治西南一千七百八十里。至

京師六千四百二十九里。領州一縣二。治凌雲。西  
西林。西北西隆州。南盤江一曰紅水江。即八達  
河。自雲南廣南府寶甯縣緣界北流。經西隆州  
西南。西為雲南廣西州。及師宗縣界。折東北。北  
為曲靖府羅平州界。又東北。北為貴州興義府  
興義縣界。扛墟水會羊街水。北流注之。又東北  
蒙里水。西北流注之。又東北。北為興義府界。經  
州北。又東南。至北樓。冷水河合州。西各水東北  
流注之。又東北。經尾達北。北為興義府貞豐州。

界會北盤江復折東南經舊州北右納一水又東南經府治西北雅亭東右納白朗塘水又東經羅西北右納一水又經天峩司東北佈柳水上承鞋里甘田傘里巴更各墟水東北流注之又東南入慶遠府那地土州界西洋江自雲南廣南府寶甯縣東北流入界經西林縣西南又經八盤汎南東北流會駄娘江江自寶甯縣北來經西隆州西南為清水河折東北流經八達司南又東經西林縣西北界亭山南折東南流右納駄門江水至縣東南者文那陽界亭諸小

水合東南流注之。又東至八達汛。右納二小水。折南與西洋江會。西洋江又東南經周馬汛。西又東南入雲南廣南府寶甯縣界。澄碧水舊名泗河。二源。一出府治東北。一出西北。失府治而南。合南流經皈樂汛東。又南流入百色廳界。礦桑河隆溪並出府治東南境。東南流入百色廳界。府東及東北界慶遠府。西及西南界雲南廣南府。北界貴州貴陽府。南及東南界百色廳。西北界貴州興義府雲南曲靖府。





平

樂

府

圖





平樂府在省治東南二百十六里。至

京師四千八百六十五里。領州一縣七。治平樂。東南昭平賀縣。西南荔浦。修仁。永安州。東北恭城富川。桂江亦曰府江。自桂林府陽朔縣南流入界。經府治西。會修江。江出修仁縣西南。東北流。經荔浦縣南。蓮塘汎北。合西北來一水。又東北。經縣南。荔水出永安州北。西北流注之。又東北。丹竹江水亦西北流注之。至三奇山西。綠水河上。承縣西北。栗江龍坪河水東流注之。又東北。注桂江。桂江又東。經府治西南。會平樂江。江上

源曰東江。自湖南永州府永明縣西南流入界。經恭城縣東北。又西南經龍虎汛北。至鎮峽寨司南。平川江一曰上平江。出縣北。合平源。獠小河南流注之。折南流。經縣東。右納南江。左納下山源水。北洞源水。折而西。經治南。又西經府治北。曰平樂江。島坪江。自恭城縣西北境屈東南流注之。又東南勢江。自恭城縣東南合數水。西北流注之。又南折西。誕山江。出平樂縣東南。誕山合南平江。西北流注之。又西南經沙子司東。又南與桂江會。桂江經府治南。東南流經昭平。

縣北。右納歸化江。左納思勤江。經縣治東。又南  
右納一水。又東南至馬江。司西南。富郡江出縣  
東。合招賢水。西南流注之。又經欖水。汎東。又東  
南入梧州府蒼梧縣界。臨水即富江。出富川縣  
西北石鼓山。東南流合神源大源諸水。又東南  
左納麥嶺水。又經縣東南。龍窩水合白源水。西  
南流注之。又西南至鍾山。汎折東南。左納白沙  
汎水。又東南經西灣至賀縣西北。里松墟水南  
流注之。又經縣治北。東南流。右納大桂山水。又  
東南賀江合桂嶺諸山水。南流來會。又東南經

虎步西左納里墟水。又南經石牛東右納臨水。  
又南左納深沖水。又南入廣東肇慶府開建縣  
界。濛江上源曰眉江。出永安州西北。東南流經  
新墟東至峽口塘南。右合濁川水。西江水曲東  
又南。經治南左合銀江河。又東南六樟水東流  
注之。又東南至陳村東。榕木嶺水西南流注之。  
又南入梧州府藤縣界。四牌溪出修仁縣西南  
文筆山西北流。合東北一水。又西合南來一水。  
又西北入桂林府永福縣界。瑞雲山在賀縣西。  
臨賀嶺在賀縣北。府東界廣東連山廳北至西。

界桂林府。南界梧州府。東南界廣東肇慶府。西  
南界柳州府。潯州府。東北界湖南永州府。



欽定大清會典圖卷二百四十六

輿地一百八

梧州府圖


潯州府圖


南甯府圖

太平府圖

鎮安府圖

梧州府圖





梧州府在省治東南九百三十五里至

京師五千五百八十四里。領縣五。治蒼梧。西南藤縣岑溪容縣。東北懷集。潯江自潯州府平南縣東流入界。經藤縣西北白馬汎南為藤江。右納都榜江。又東潯江自平樂府永安州南來合牛皮江水。經白石司西折東南注之。曰龔江。又屈曲東南流。經縣治西。右納慕寮江。折東。經縣治北。又東會劍江。江上承鬱林州北流縣之圭江。東北流入界。經容縣南。渭龍江自廣東高州府信宜縣來。合一水西北流注之。又北經縣東折。


東流。左納思登江水。曰容江。東流。又折西北。右納波羅江。至自良司。東東北流。經藤縣南。皇華江亦自信宜縣來。合南來一水。及羅末水。北流注之。曰繡江。又東。義昌江。一曰瀧底江。自岑溪縣合。二小水西北流注之。曰劍江。又東北。經藤縣東。與龔江會。龔江又東。左納四培江。右納黃桶江。白石江。又東。經府治西南。戎墟北。分流。右納須羅江。長行江。至石磯塘。復合為一。又東。受桂江。江自平樂府昭平縣東南流入界。經府治西北。勒竹汎。西東南流。左納龍江。右納石澗河。


至治西北。思良江峽山水並出治北南流注之。  
又東南注龔江。龔江又東經治南入廣東肇慶  
府封川縣界曰西江。綏江上源曰懷溪。一曰南  
溪。出懷集縣西北。合古城水赤水東南流經慈  
樂司。右納宿泊水。左納冷坑水。白沙水。經縣南  
又東。右納甘崗水。左納桃花水。又東南曰綏江。  
入廣東肇慶府廣甯縣界。府東界廣東肇慶府。  
西界潯州府。北界平樂府。南界廣東高州府。東  
南界廣東羅定州。西南界鬱林州。東北界廣東

連山廳連州

潯州府圖








潯州府在省治西南八百七里至


京師五千四百五十六里。領縣四。治桂平。西南貴縣。西北武宣。東北平南。鬱江自南甯府橫州東北流入界。經貴縣西南。武思江自廣東合浦縣來北流注之。折北流。左納天馬山水。又北。賓江自思恩府賓州來。左合一水及乾河東流注之。又東北流。經縣治南。左納沙江。屈東流。經桂平縣西南。右納橫眉江。繡江水。折北。左納蓬閣江。經府治東。又東北會潯江。江即柳江。一曰潭江。自柳州府象州南流。經武宣縣西北。金雞塘西。合縣東。

北古城江。曲南流至縣治西三台山。折東經治南。右納古豪江。又東南。左納桂村水。新江水。又經府治西北。左出支津曰南淶江。又東與鬱江會曰潯江。東北流。大江嶺水出治東南。合數小水西北流注之。又東北。南淶江合相思江及一小水東流注之。又東北。經大黃江司南。曲東南。經平南縣西。烏江合數小水南流注之。又東南。經樟木汛北。左納秦川河。又東南。白沙江出桂平縣東南境。屈曲東北流。合一水經大烏司東來注之。又東入梧州府藤縣界。府東及東南界。

梧州府。西界思恩府。北及東北界平樂府。南界  
鬱林州。西南界南甯府。廣東廉州府。西北界柳  
州府。

南甯府圖








南甯府在省治西南一千十里至

京師五千六里五十九里。領州二縣三。治宣化。西  
南新甯州西北隆安。東南永瀋橫州。右江自百  
色廳上林土縣東南流入界。經果化土州北歸  
德土州南。塘河水自思恩府武緣縣來西南流  
注之。南流經隆安縣北。右納佛子溪水。又東南  
緣絳水自太平府萬承土州來東北流注之。又  
曲折東南流。南流江亦自武緣縣南流來會。折  
東南經埤落司西南。又東南右納龍牀江。又東  
南經三江汛。左江來會。江上游曰麗江。自太平

府江州本州東北流入界經新甯州西合旺莊河又東北左納其州之橋龍江來會。是為鬱江。屈折東流左納星盈江。經府治南右納烏江水。又東至八尺司右納八尺江水。又東左納大冲江。伶俚江水。又經永瀾縣北東班江西南流注之。又經縣東南秋風江自廣東廉州府靈山縣來東北流注之。又東經橫州西右納橫槎江。平南江。鹿江。經州南屈東北流左納清江右納武流江。折而北至大灘司。古江出永瀾縣東北境東南流注之。又折東北入潯州府貴縣界。長灘。

水自廣東欽州西南流經宣化縣東南復入欽  
州界。府東及東北界潯州府。西界太平府。北及  
西北界思恩府。南界廣東欽州。東南界廣東廉  
州府。西南界上思廳。

太平府圖



[illegible]

太平府在省治西南一千二百八十里。至

京師五千九百二十九里。領廳二。州四。縣一。治崇

善。西龍州廳。西南明江廳甯明州。西北養利州。

東北左州永康州。麗江南北二源。北源曰平定

溪。自越南東南來。經上下凍土州東南流。又經

龍州廳。西至治西南會南源。南源曰豈宜溪。自

越南東南流入界。經廳西南。憑祥土州北。折東

北至廳治西南。與北源合。東流曰龍江。又東會

明江。江自上思廳遷隆崗土司西流入界。經思


州土州北。屈曲西流。至明江廳西南。交趾河舊


名板粟溪自越南東北來左合一小水注之折  
北流經甯明州北。又北流與龍江會。是為麗江。  
又東經府治西受邇水。水舊名歸順河自歸順  
州下雷土州東南流入界。經安平土州西北。又  
東南。通利江自鎮安府都康土州東南來。經龍  
英土州東北。全茗土州西南合西北一水。至養  
利州西合濶水。折西南流注之。又東南經太平  
土州西北。右納五橋水。又南經府治西。右納越  
南之多烈水。又南注麗江。麗江經府治南。又折  
東北至左州。馱廬司東南。左納橋龍江。又東



北入南甯府新甯州界。角硬水出思陵土州南境。東流折而北。又經州南曲折西南流入越南界。淶甕江出永康州西北。合淶零水及一小水。東南流入南甯府新甯州界。綠絳水出萬承土司南。東流入南甯府隆安縣界。府東及東北界南甯府。西至南界越南。北界百色廳。西北界鎮安府。東南界上思廳。廣東欽州。

鎮安府圖





鎮安府在省治西南一千六百八十六里。至京師六千三百三十五里。領州一縣一。治天保。東北奉議州。右江自百色廳南流入界。經奉議州西北並那坡墟北。折而東。磧桑河亦自其廳南來注之。又經獅子山南至州東北。隆溪舊名砦。毆溪自其廳恩隆縣南來注之。屈曲東南流。右受歸順江。江舊名浚淦江。自歸順州東北流入界。經府治西伏流。復出東流。經府治南。右納駃命江。又東左納唏來河。右納歸順州之武平河。東北流。經奉議州東南。作登司東北注。右江右

江又屈東南流入百色廳上林土縣界。枯榕江  
出上映土州西境東北流經向武土州西北又  
東北亦入上林土縣界。通利江舊名雲門溪出  
上映土州西境南流折而東經州南又東經都  
康土州南又東入太平府龍英土州界。府東及  
東南界太平府西至南界歸順州北及西北界  
百色廳。